

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкyрeнцијски савјет

ZAKLJUČAK
o obustavljanju dijela postupka

**Zahtjev Kantonalne farmaceutске komore Zeničko-dobojskog kantona, Zenica protiv
Zavoda zdravstvenog osiguranja i reosiguranja Federacije Bosne i Hercegovine,
Sarajevo i Zavoda zdravstvenog osiguranja Zeničko-dobojskog kantona, Zenica**

Sarajevo
juli, 2014. godine



Broj: 03-26-3-03-51-II/14
Sarajevo, 30.7.2014. godine

Na osnovu člana 25. stav (1) tačka e), člana 42. stav (2) Zakona o konkurenciji („Službeni glasnik BiH“, br. 48/05, 76/07 i 80/09), te člana 122. stav (2) i člana 123. stav (1) Zakona o upravnom postupku („Službeni glasnik BiH“, br. 29/02, 12/04, 88/07, 93/09 i 41/13), u postupku pokrenutom po Zahtjevu za pokretanje postupka Kantonalne farmaceutске komore Zeničko-dobojskog kantona, ulica Crkvice, Aneks B b.b., 72 000 Zenica protiv Zavoda zdravstvenog osiguranja i reosiguranja Federacije Bosne i Hercegovine, Trg Heroja 14, 71 000 Sarajevo i Zavoda zdravstvenog osiguranja Zeničko-dobojskog kantona, Aska Borića 28 b, 72 000 Zenica, Konkurencijsko vijeće Bosne i Hercegovine na 95. (devedesetpetoj) sjednici održanoj dana 30.7.2014. godine, je donijelo

Z A K L J U Č A K **o obustavljanju dijela postupka**

1. Obustavlja se postupak pokrenut po Zahtjevu za pokretanje postupka Kantonalne farmaceutске komore Zeničko-dobojskog kantona, ulica Crkvice, Aneks B b.b., 72 000 Zenica protiv Zavoda zdravstvenog osiguranja i reosiguranja Federacije Bosne i Hercegovine, Trg Heroja 14, 71 000 Sarajevo i Zavoda zdravstvenog osiguranja Zeničko-dobojskog kantona, Aska Borića 28 b, 72 000 Zenica, u dijelu koji se odnosi na donošenje rješenja o privremenoj mjeri, u smislu člana 40. Zakona o konkurenciji, zbog odustanka Podnosioca zahtjeva.
2. Ovaj Zaključak je konačan i bit će objavljen u „Službenom glasniku BiH“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo Zahtjev za pokretanje postupka (u daljem tekstu: Zahtjev), dana 6.3.2014. godine pod brojem: 03-26-3-03-II/14 Kantonalne farmaceutске komore Zeničko-dobojskog kantona, Crkvice, Aneks B b.b., 72 000 Zenica (u daljem tekstu: Komora ili Podnosilac zahtjeva) putem zastupnika, advokata Edina H. Hrnjića, 1. ulica b.b., 72 230 Žepče, protiv Zavoda zdravstvenog osiguranja i reosiguranja Federacije Bosne i Hercegovine, Trg Heroja 14, 71 000 Sarajevo (u daljem tekstu: Zavod zdravstvenog osiguranja i reosiguranja FBiH) i Zavoda zdravstvenog osiguranja Zeničko-dobojskog kantona, Aska Borića 28 b, 72 000 Zenica (u daljem tekstu: Zavod zdravstvenog osiguranja Ze-Do kantona), radi utvrđivanja postojanja zabranjenog sporazuma, iz člana 4. stav (1) tačke b) i e) Zakona o konkurenciji (u daljem tekstu: Zakon), kao i donošenja rješenja o privremenoj mjeri, u smislu člana 40. Zakona.

Konkurencijsko vijeće je zaključilo da nije moguće bez provedenog postupka utvrditi postojanje povrede Zakona navedene u Zahtjevu, te je donijelo Zaključak o pokretanju postupka, dana 10.4. 2014. godine broj: 03-26-3-03-5-II/14 radi utvrđivanja postojanja zabranjenog sporazuma, iz člana 4. stav (1) tačka b) i e), kao i donošenja Rješenja o privremenoj mjeri, u smislu člana 40. Zakona.

Na usmenoj raspravi koja je održana dana 21.7.2014. godine, Podnosilac zahtjeva je izmijenio Zahtjev, i odustao od zahtjeva za privremene mjere, u smislu člana 40. Zakona, dok ostaje pri

Zahtjevu koji se odnosi na utvrđivanje postojanja zabranjenog sporazuma, iz člana 4. stav (1) tačke b) i e) Zakona, što je utvrđeno i Zapisnikom sa navedene usmene rasprave broj: 03-26-3-03-49-II/14 od dana 21.7.2014. godine.

U skladu sa članom 122. stav (1) Zakona o upravnom postupku, stranka može odustati od svog zahtjeva (cijelog ili dijela) u toku cijelog postupka. Također, članom 123. stav (1) Zakona o upravnom postupku je određeno da stranka može opozvati svoje odustajanje od zahtjeva, sve dok tijelo koje vodi postupak ne donese zaključak o obustavljanju postupka i isti ne dostavi stranci.

Konkurencijsko vijeće je ocijenilo da ne postoji javni interes za dalje vođenje postupka i shodno izloženom donijelo je predmetni Zaključak o obustavljanju postupka, u smislu člana 122. stav (2), te člana 123. stav (1) Zakona o upravnom postupku, te odlučilo kao u dispozitivu Zaključka.

Na osnovu navedenog, Konkurencijsko vijeće je odlučilo kao u dispozitivu ovog Zaključka.

Administrativna taksa

Na ovaj Zaključak Podnosilac zahtjeva, u skladu sa članom 2. Tarifni broj 108. stav (1) tačka b) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) je obavezan platiti administrativnu taksu u iznosu od 500,00 KM u korist Budžeta institucija Bosne i Hercegovine.

Pouka o pravnom lijeku

Protiv ovog Zaključka nije dopuštena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednik

Gordan Raspudić